



山陵志

九志 二

九志

- 神祇志
- 陵志
- 姓族志
- 職官志
- 服章志
- 禮儀志
- 民志
- 刑志
- 兵志

右九志山陵以稿先成故刊之職官亦尋尔

修靜菴藏

山陵志

九志 二

古之帝王其奉祖宗之祀而致仁孝之誠也郊以配乎天廟

以享乎

祖配乎天則作之靈時至尊至嚴禮弗敢瀆說在神祇志

享乎

祖則立之大官以置祝宰百世弗毀特報其有盛德不

烈者焉

如伊勢及賀茂八幡廟是也

而其餘各就山陵以時將常典有事而

禱告於是諸陵察之職治部省掌喪祭之禮供幣之數及陵戶

名籍與其禁令而正其兆域脩其垣溝虔共所職其有儀則延

諸陵式謂其世之親者曰近陵疏者曰遠陵其供幣之數亦從
 有差歲十二月月上旬察錄之併諸國山陵使姓名及驛鈔等數
 以申省省申大政官然後頒幣即日遣奉乃謂之荷前之祭且
 陵墓之側其有原野者察仰守戶并移所在國司共知豫除之
 使失火無相延燒又其兆域垣溝有所損壞者令守戶脩理而
 專當官人巡加檢校固不得葬埋臣庶及耕牧樵採也○按荷

山陵志第一

凡呂3
389
卷

前之荷讀為登。登成也。謂年穀成熟。蓋薦新以其先成熟之時。故謂之荷前。祝辭式。荷前或讀為初穗也。夫初穗之享。後世雖轉將之。歲終也。由名而求實。起于薦新。可知矣。謂農神。稻荷。其取成熟之義。可以徵矣。故曰山陵猶宗廟也。苟無有之。則臣子何仰焉。

淳和帝臨崩。遺詔令薄葬。不置山陵。中納言藤原吉野諫云爾。

臣子惟仰乎此而祀焉。則其禮隆矣。律謀毀山陵。謂之謀大逆。

與居八虐之一焉。則其刑重矣。是王者之以孝治天下所由而

基也。胡其可不畏敬哉。上古大朴。山陵之制未備。瓊杵氏

炎見氏。亥波瀲武氏。邈矣。三陵皆在日向國。自太祖至乎孝元。

猶就丘隴而起墳焉。自開化其後。蓋寢有制。及垂仁始備。

下至于敏達。凡二十有三陵。制略同焉。凡其營陵。因山從其

形勢所向。無方。大小高卑。長短無定。其為制也。必象官車。而使

前方後圓。為壇三成。且環以溝。

延曆十一年。以廢太子早良為崇。勅謝之。其冢下置湟。勿使濫

穢。湟。溝也。因知諸陵之溝。亦其故然也。壇不必三成。舉其率言之。夫其圓而高者。如張蓋也。頂

為一封。即其所葬。方而平者。如置衡也。其上隆起。如梁輈也。前

後相接。其間稍界。而左右有圓丘。倚其下壇。如兩輪也。及至後

世。民睹之。而莫能識焉。猶號曰車冢。蓋亦以是也。凡陵側之地。必有三五丘。

冢。乃視之。陵頗小。而班列其前後左右。此蓋當時所陪葬者也。其狀率皆圓。則人臣墓制亦從可知。然其象官車。不必為帝陵。

也。何者。其類間有之。而其非史及諸陵式之所載。莫審為何物。疑是皇后皇子若重臣。別勅所許。或帝王改葬。而其故陵尚存。

自用明至于文武。凡十陵。特變是制。但圓造之。穿治。玄

室於其內。而築之以堊。覆之以巨石。石棺在其內。南面。故其戶

南向。而累石為之。羨道。其制嚴密。既已如是。是以不復環之以

溝也。班鳩大子治壽藏于河內，磯長即是制也。當時大子自負

聰明有才藝，居作者之聖，於舊章多所變替，乃若山陵，蓋亦然。

歟。諸陵式載大子磯長墓，大子傳曆徒然州，並言其治壽藏焉。

異者，亦用但視之帝陵，必卑而小，所以明等差也。大化二年有冠

詔，定陵墓之度，王以上之墓，其內長九尺，高廣五尺，外域方九

尋，高五尋，上臣下臣，其內皆準于上，外域上臣方七尋，高三尋，

而下臣方五尋，高二尋半，大仁小仁，其外域長九尺，高廣四尺，平

而不封馬，大禮以下，小智以上，亦準大仁。凡五等，是因大子之

所創而為之度也。其工役，王以上，千人七日而竣，次半之五日，

次又其半之三日，次百次半之並一日也。古者棺槨之制，檀弓

曰：四寸之棺，五寸之槨，又曰：棺周於衣，槨周於棺。土周於槨，喪

大記曰：棺槨之間，君容祝大夫容壺士容甌，言其巨細不過如此。

此而春秋戰國之間，諸侯強僭日甚，羨道周謂之隧，隧者王章

也。曩以晉文之功，而所不見許，至乎僭王者，又何憚哉。即其冢

之高壯堅密，以務其修，至秦始皇而極矣。西京雜記：廣川王去

疾發堀，魏襄王家皆以文石為槨，高八尺許，廣狹容四十人，以

手捫，樽滑液如新。又幽王家甚高壯，羨門既開，迄于南都，更復

皆是石室，併考之。今陵內玄室亦謂之樽歟。

舊制惟其所仍，正南面而已矣。古之大喪，厥紀無傳，然觀乎山

陵遺制及石棺暴露者，則其牆翬衣衾，珠襦玉匣，與夫銘旌鼓

吹之儀，祭奠明器之數，雖一無見文獻之可徵，猶足以知其禮

物之有在焉。而至如其用殉，雖曰甚慘，其所由起，亦必有以矣。

蓋國初佐命功臣，與宗社同休戚，其忠誠惻怛之心，曷嘗不期

以死終始哉。方臨大喪，自刎陪葬，以遂宿志者，或有之。而流風

慕尚，因仍成俗，卒至於使生平所愛，必例從死焉。乃以垂仁

帝之齊聖仁恕也，而為之惻然，不忍其臨穴惴惴無罪而就死

之設。先朝既有而製造未有專職。至是置石作連以治焉。

垂仁帝二十八年倭彥薨用近臣為殉生埋之其呻吟之聲旬月不絕帝聞之惻然乃詔羣臣曰生之所愛死而為殉不亦

慘乎此雖古之遺制安可遵用自今議止之明年皇后崩詔曰殉死之俗前知不可今是葬也為之如何野見宿禰奏請以

土物代之帝嘉之立為永制以野見居其官乃因官賜姓土師臣又據姓氏錄方此時武真利根獻石棺賜姓石作連然石

棺暴露又據孝昭陵以下往觀之其卜瑩兆程土物而興徒庸則非始於此故曰先朝已有

也必徵於天下諸國然民以其哀如喪考妣乃咸子來服役無

以為厲應神陵東北之隅營築未了處名甲斐阪土人傳是

後治也又仁德陵上四處名尾張谷即尾張孝德中興爰

制其度凡陵墓高卑之等其工役之課乃有常程詳見及中

宗繼統慮其德之不如古深恤民隱止其役焉天智帝葬其母齊明帝于

越智以問人大后稱焉而曰我奉天皇大后之遺詔以

深恤民隱不敢興石椁之役冀永世以為鑑戒○按石椁謂穿

治女室於陵內蓋其營以勞民大重夫惟恤民隱是以能止其

役焉故齊朋及天智陵是其治之也無乃從儉乎然而君

子不以天下儉其親而况王者乎宜後朝不敢安之即就其

陵更脩造是亦所以追思繼孝也持統帝元年皇太子率公

女營大內山陵可見此復與其役焉文武帝二年冬十月修

越智山階二陵所謂山階是天智陵也明其所初築皆從儉

也夫古之俗其狎乎鬼神而瀆齋盟所以求福於冥冥之間固

民性蒙昧之為而逮乎佛教之行據是攬眾志獲國權舉喪祭

之紀莫不咸為之所亂而自持統之喪始行火葬其為弊也

世以甚矣列子楚之南有炎人之國其親戚死朽其肉而棄然

死。聚柴積薪而焚之。燻則煙上。謂之登遐。然後成為孝子。此上以為政。下以為俗。而未足為異也。夫然則夷蠻之喪。固有如是有者。而佛之所生。身毒國。或與儀渠同俗。故亦行火葬也。後世浮屠氏。曾不之識。奉以為典章者。乃不深思之過也。時。宇治之僧道昭。其死始行火葬矣。然彼者。方外之士。固不足怪。今至其用諸大喪。不亦悲乎。及皇都奠于平安。則其郊野之際。負山帶川。不甚博。其丘阜之形。蓋亦宜陵者鮮矣。是以其陵率皆平地之所築。而遺詔依例。以薄其葬。最爾坏土。無復如舊。况其火之。不必於陵所也。餘燼遺骸。輒于毛髮。由是遷徙。弗一而已。既而塔擬山陵。僧司喪祭。不復奉謚。遂停尊號。其自居儉。雖如是也。至乃鑄造佛像。經營伽藍。務窮莊嚴。尤極奇麗。大費國用。曾莫之卹。嗟夫。廢先聖之禮。奉異端之說。惑已甚矣。而其弊之極。以山法師富擬於王室。權威於禁

衛。邪行橫作。常犯其上。動輒構兵。不可復制。以鴨河之暴沸。為患京邑。汜濫衍溢。民弗安處。猶得與之並稱。反殊劇焉。言曰。不從朕心。惟雙陸米。鴨河水。山法師也。已。邦國憔悴。職是之由。而自紀綱不振。官失其職。諸陵寮廢。奉幣使絕。而後發陵盜藏。無所畏憚。戰國喪亂之際。其禍何過。所在伽藍。遇兵盡殘。塔中所藏。亦從而亡。嗚乎。可勝慨哉。幸而其所完以存。惟泉涌寺諸陵。及其餘二三也。已矣。夫喪祭禮之大經也。而天下離世多難。至乃園陵廢。春秋闕。如此之極。命也。謂之何。既自臨大喪。而火其葬。黔靈車。赭梓宮。堂堂禮典。委灰燼。幾何其不化。為夷蠻哉。近世國恤。纔止之。自後光明始。於復古。不幸短命。春秋二十有二。以痘瘡崩。

時朝議依舊將火葬。有一民鬻魚為業者，呼八兵衛，常聽命於宰夫。出入官門，聞之大悲，慟歎曰：嗚呼！聖天子，何天命之薄也。可奈之何！且夫火葬者，非聖人之道也。况今大行在天之靈，蓋嘗疾浮屠氏之虛誕，斥異端最甚，而其送終尚猶從事於其所斥邪。吾小人苟目不瞑，不肯從朝議，敢諫爭止之，不能則身死之。於是奔走於仙洞及執政之門，所至號哭悲泣，敢請止火葬。以從大行之志也。朝議輒為之改，而火葬止焉。蓋感八兵衛忠誠也。噫！匹夫有志，何事不成。上之人不為，則其可慚已甚矣。以百王之弊，其所革先發乎此。如其悉皆復諸禮，天將有待其時而然耶。今竊因古圖參覽舊記，周視陵地，咨問芻蕘，尚有可以考見作山陵志。

大和山陵凡三十有一所。按山陵，謂帝王之墓也。凡墓者以其築成曰都賀，以其外歲曰芳賀，而山陵以其所尊奉曰美佐佐岐。先稱以美尊之也。佐佐岐奉也。陵號故

因陵地號之爾。即如曰畝旁山東北陵，曰某陵在，某地而注其下云云。則於文不獲號陵以地。故姑改之以從謚焉。夫謚者自神武至於文武，凡四十二世。是淡海文忠公奉勅所制。甘露寺親長日記引納言藤原通秀故其撰令也。公式平出條有曰：天皇謚矣。義解云：謚者累生時之行跡，為死後之稱號。即經緯天地為文，撥亂反正為武之類也。令是大寶之初，淡海公奉勅所撰。至養老三三年，公重奉勅刊脩之。而其公式云爾。則刊脩之日，謚已建斷可識矣。古事記成於和銅四年，而其書未有謚。然則其建之當在乎自五年至養老三三年，凡八年間矣。四十有二世，獨不謚。而代之以神功后。蓋當時以承天武之統，而有神武以來，則其言孟浪不足以證是三船姓氏與淡海

公封國同名故謬作此說也且書紀以刊令之明年而成焉則載謚固也然先載其故號而謚輒注其下不敢大書之即其故號者假如神武曰神日本磐余彦是以其功定于磐余遂建為號故古事記書曰倭是神州紀改之曰神日本此日本謂今畿內之倭以倭是神州曰神倭神日本同焉天子者天下宗主也以其所宗曰授子其後世之號曰大倭彦曰大倭根子亦皆襲之也磐余地名也如綏靖曰神瀛川耳及玉手觀即其耳安寧曰磯城彦玉手觀神瀛川耳及玉手觀其名而淳川磯城亦取於地名而所號號以冠其名且加之曰神曰武曰彦曰大之類是臨時所尊而稱然非世世皆有之如應神仁德直著其名曰譽田曰大鷦鷯此純乎質也如孝德曰天萬豐日齊明曰天豐寶重曰天智曰天命開別蓋皆頌其德配之天而所追號追號亦謂之謚歟考之續書持統謚曰大倭根子天之廣野姬則其類推可知雖其言冗長不雅此寢乎文也自文忠制謚謚法章章而王者功德斯著此文之備也乃寢乎文者雖其言冗長不雅猶以存古亦並行之自謚淳和曰讓彌後不復

也爾且舊典神武之廟號大祖天智之廟號中

宗三善清行改元議云遠履大祖神武之遺蹤近襲中宗天智之基業祖宗廟號纔見於此因知舊

典多殘缺特以其有光烈盛德而所號歟元明帝臨崩有

遺詔俾母奉謚而追號直用其所居國都此蓋自謙不

敢當謚也元明陵誌石今暴露移在他所其銘曰

天皇之陵此蓋葬時所號然謚者所以稱君父之德而

臣子之情安敢忍乎以遺詔而終廢其典哉故謚曰

元明然其謚之意當及乎謚元正而同奉焉故其

謚皆以元冠之矣天平勝寶八歲太上天皇崩聖武也其勅云太上天皇以出家歸

佛故不奉謚據當時有此勅而觀之若二元女皇雖乃遜位尚非出家非出家則其當奉謚且聖武之

追謚在天平寶字年中 元正暨 光仁 桓武 文

德 光孝之謚其奉之各當在其 後朝蓋皆是葬然

後謚惟 仁明謚然後葬文德實錄特書曰葬仁明皇帝于深草山陵餘皆不

也然 聖武其初以出家歸佛不敢奉謚也 廢帝天平

寶字二年百官及僧綱上表尊 上皇曰 寶字稱德

孝謙皇帝尊 皇太后藤原氏武后曰 天平應真仁

正大后於是追謚 先帝曰 勝寶感神聖武皇帝青木

曰追尊號曰勝寶感神聖武皇帝謚曰天聖國

排開豐櫻彦今考之所謂追尊號亦謂謚也而其不

言謚與下文所云 孝謙之號遂為謚焉凡帝王謚號

蓋如此云爾厥後追號有二焉一取官名也一因陵地

也曰 平城曰 嵯峨此類官名也

平城帝之謚曰推國彦然而世

因其御所之宮曰平城天皇或稱奈良帝 皆其遜位所遷御焉而遂稱之

不復奉謚非終阼也自淳和以下 清和 朱雀

三條 鳥羽 二條 九條 華園 龜山 伏見是

皆上皇院名遂以為稱獨陽成院者 陽成所降誕

為異焉 凡人主遜位必遷御離宮稱之曰院嵯峨離宮

院是 自 宇多以降停謚而 朱雀以降院代尊號不

曰天皇蓋原乎此矣後世其終阼者亦崩曰院後一條

為始其後如朱雀後冷泉堀河近衛皆其所終焉 而襲前

號曰後某亦 後一條為始是於 一條為之子且承

也故不敢一一枚舉惟後二條後深草即其所葬而以後龜山

明曰深草陵故曰宇多曰醍醐曰村上是皆陵

地也因陵地為稱古有之如桓武曰栢原天皇是也

後世罕矣惟深草然後曰白河有遺詔稱之然而非陵地

非所遷御宮名也蓋嘗造浮屠大像構院安之于白河

無乃其故乎其餘不詳也六條高倉土御門是也夫停謚有說

必謂臣不敢議君子不敢議父曰有所諱似矣以天子

之尊不曰天皇此果何意哉嗚乎闕大典損國體莫大

焉源親房以為非臣子之道其言當矣後世奉謚曰

崇德曰安德曰順德屋屋是已後鳥羽其初謚謙德及後嵯

峨登極乃改今號然以是觀之鳥在其必停之哉况乃天皇固

至尊所宜稱故良史書之不敢以院可謂得體且加之

奉謚定陵號以脩祭祀其於致孝於鬼神庶乎有文也

大祖為神武相傳下鴨之神奉御祖猶言大祖神武陵

在畝旁山東北隅諸陵式畝旁山東北陵北域東西一町南

率據諸陵式不復多引他書而證之曰白檮尾上古東按

大祖之平定中國相畝旁東南以為土中營王宮曰檀原宮

蓋以其宮樹檀而所名歟古事記檀作白檮白檮即檀也又

稱陵所在曰白檮尾上不是移之以官樹則取官名也尾上

者山岨如尾者之上今畝旁山東北隅所呼曰御陵山墳然

而隆起此也。大和志以此為神八井之墳。神八井之墳，神八井之墳，神八井之墳。雖於史有之，其所山隅平地，未詳何處也。今妄認云爾。若果神八井之墳乎？其位已人臣，又何以傳謂之御陵乎？今呼曰御陵，是上人口碑，素而不偽。凡此類可擇而采矣。大非如夫，但其狀不甚高莊，且不象官車，乃以好事者以臆傳會也。

上古大朴，制未備也。廟陵記云：畝旁山東北陵，百年以來，犁為糞田，名曰神武田，猶餘數畝，為一封。

家今問其地，果有所謂神武田，然其地而距山隅東北三町許，乃不合尾上之名。且所謂餘數畝，為一封，豈亦不在

神武田，距神武田又東北三町許，有古墳在焉。蓋指此也。夫民之無知，惟貪地利，至乃妄犂天子陵墓，然殆及其石棺，慄

慄畏怖，不敢侵之，遂餘其數畝，為一封，豈亦不在其之糞田，其上乃若是，若若，是也。尚何更營一封于三町外哉？疑其

古墳是當時所陪葬，或神八井之類，決非神武陵也。神武田一名美贊佐伊，是美佐佐岐所訛，即謂山陵也。山陵與廟

俗互其言，今謂神武田曰美佐佐岐，蓋以其嘗有廟焉。相傳舊嘗有

神武祠廟，在神武田地。昔年水潦，廟為之所漂，而後遷大窪村。大窪寺之趾，有國源寺焉。又傳國源寺亦嘗自

神武田旁遷于此。據多武峯記，有泰善法師，天延二年三月

十一日，行畝旁東北，遇一奇老人，顧泰善謂曰：為朕講大乘法，禱國家榮福。朕是人皇始祖，言畢乃不見。泰善以此瑞，每為創堂宇，號國源寺。云夫其說誕妄固浮屠氏之常，然而其堂宇由此創造，則神武祠廟亦當在其寺中。即神武田旁曰塔垣內，就其名而考，疑是當時建塔廟處。因稱美佐佐岐，歟。其下曰洞村。今看者之聚也。相傳其民故神武陵守戶，允守陵戶，皆賤種，木以罪隸沒入者，不齒鄉人也。以故其守戶之子孫，遂轉業屠者，稱穢多亦勢也。

環是山而有。綏靖陵在西北。諸陵式：桃花鳥田丘，上陵。按

今呼綏善山。綏善是。綏靖之訛也。又名鳥田丘。凡丘，丘陵。山

之依習俗，從便宜，不是即桃花鳥田丘省語也。桃花鳥史一

敢拘也。他皆放此。臣第宅於築，寵異之。古事記作衝，田並讀為鬪岐，同

作築。地也。然此名本非繫於畝旁西北，距畝旁南可半里，有舟附

村旁為鳥谷村。舟蓋後人所添。附亦讀為鬪岐。因知鳥谷即桃花鳥谷之省語。且宣化陵有在焉。則綏靖陵亦當在其近地。而今在畝旁西北。甚無謂。豈其改葬焉。而仍其舊號歟。夫名不虛口。口碑所傳。今訛則綏善。省為鳥田。可以為明證矣。凡改葬。雖史官失之。尚有其跡之可推考焉。孝昭應神

反正諸陵是也。仍其舊號亦然也。伏山陵是也。不惟是陵也。鳥田

丘是慈明寺村地。

安寧陵在西南。諸陵式畝旁山西南御蔭井上按御蔭井上

陵是以井上為陵所在。然井之得名。蓋因陵故為御蔭。今此

陵呼曰阿禰山。即安寧所訛其地。吉田村。

蓋德陵在南。諸陵式畝旁山南纖沙溪上按今呼纖沙山以

纖沙布露溪間也。其地畝旁村。安寧及此陵並有祠在陵

上。凡陵地建祠奉祀。往往有之。未審其昉於何世也。

宣化陵在身狹桃花鳥阪上。諸陵式身狹桃花鳥阪上按

鳥乃畝旁南地。按凡地謂之身。謂高地曰高身。卑地曰卑身。之類是也。蓋對天則地是形。

魄身狹之地。因其介丘隴甚狹隘而名之歟。乃今在南北為

大身狹小身狹。欽明帝十七年置百濟人於大身北者比。狹屯倉高麗人於小身狹屯倉是也。

之南。頗廣。所謂大身狹此也。其地相接桃花鳥阪。故號曰身

狹。桃花鳥阪上陵。凡兩地之交。不可偏舉。必號之以兩地。

孝德陵號大坂。磯長陵亦然。益田池碑云。左龍寺。謂龍蓋寺也。世右鳥陵。

鳥陵即桃花鳥阪上陵而省其語也。性靈集注鳥陵為白鳥陵白鳥陵按史當在琴引原蓋今原陵地今為鳥谷村自此東南即益田池故地。故云右之也。身狹之訛為三瀨。三瀨村乃在其東。又其東石川村有劔池焉。

孝元陵在劔池之島。諸陵式劔池島上陵北是身狹之東。按

應神帝十一年十月作劔池。然則穿此池後於築陵而陵蹄乃取於池。池名曰劔。未知其故也。古事記作劔池。中岡今呼其池曰劔淵。陵曰中山冢。

天武持統合葬矣。其陵在檜隈大內之丘。諸陵式檜隈大內

南北檜隈是身狹東南。所謂輕之舊都也。按輕古時蓋廣

蓋德帝都輕居於曲峽宮。孝元帝都輕居於境原宮。應

神帝都輕居於豐明宮。豐明宮趾即今之輕村。三瀨村西有

為宮趾然其地甚狹不取也而距境原東北數町。所謂大內之丘。當時蓋

以其在宮內名之歟。乃在輕村矣。丘北田畝土俗稱輕大臣宅地疑是輕大寺之訛也

凡舊宮地必構佛寺以異之蓋中古風習然則輕大寺故是宮之地也檜隈名始見雄畧紀

有檜隈民使又其後宣化帝都檜隈居於盧入野宮。其趾即今

檜隈村此也。而檜隈坂合是其少西北。今為平田村。踰其北丘則益田池故地。其碑文但載檜隈不復稱輕地。因以為建是碑時或併輕以為檜隈歟。不然檜隈名不得冠之大內陵。後世輕檜隈各別為一村落。猶京之粟田中世名改為白河。

今又別為一村白河一村一山粟田山大内陵魏然而崇今呼為丸

山取名其形也。欽明帝之世。檜隈人有駿駒善超乃越大

内之丘與壑十八丈大内丘以高有名已然矣治陵蓋因此

其高莊不亦宜乎檢此陵為壇三成而南面其中等之上有

羨門累石為之隧隧深可三丈而有室築之以聖覆之以巨

石崇廣皆丈餘有石棺二焉一在北南面一在東西面因以

為其南面天武也西面持統也廟陵記引或人說云大内陵在淨御原村西今

無淨御原村但是陵東有上居村土人云上居者淨御之音亂而謬也

欽明陵在阪合諸陵式檜隈坂合陵北其南也按平田村古

墳此也今謂其北丘曰阪中即阪合所訛推古帝二十八

年以砂礫葺檜隈陵今檢之果然以故或號石山聖德太子傳記曰檜

隈寺者欽明天皇宗廟也今檜隈村道昭寺蓋其遺構也尚有九層石浮屠相傳聖德太子所建且俗謂之欽明陵

即以陵廟之稱互通也

文武陵在安古岡諸陵式檜隈安古岡上陵北迺又其南也按

以陵上孤松茂翳今呼高松山一名美贊佐伊

齊明陵在越智岡諸陵式越智岡上陵北越智乃檜隈西地按

越智村西則車木村也土人傳是齊明帝之葬其靈車所

來止因名曰車來來今作木音同也其東岡崇數十仞呼為

天皇山是蓋山陵也又其側如所陪葬者有之天智紀葬

大田皇女於越智岡或即此類也神龜十四年五月越智陵

崩長十一丈廣五丈二尺初脩理之遣使奉幣今檢之果有朽壤而易崩又越智軍記載置兵於越智陵邊而守之云茅原之東有巒嶠焉志貴奈美伊佐羅波山所奉藏齊明天皇處因以為志貴布也奈美列也謂山之形勢施靡布列東西也伊佐羅波大和方言謂崩明崩山指此的在茅原之東矣。

右十陵隸于高市郡

孝昭陵在掖上博多山

諸陵式掖上博多山上陵北城東西六町南北六町

掖

神武帝

三十八年巡中國登掖上噉間山

今呼國見山

孝昭帝都掖上

居於池心宮今池內村即其趾在噉間山西北又博多山在

池內西北並蒙之以掖上掖上是此間總名可知矣博多山

今呼天皇山上有祠奉孝昭之祀其地三室村

池內村西隣曰室村

室是孝安帝秋津島宮所在今有古墳焉石棺一片暴露於其上里老相傳此亦孝昭陵夫孝昭之葬在孝安

之三十六年意不應稽延至此更據舊事記書元年八月葬及晚年卜地改葬博多矣且其曰三室

或仍陵舊號三本為御者尊之之稱

孝安陵在其東玉手丘

諸陵式玉手丘上陵北城東西六町南北六町

掖

蓋此間亦

當隸掖上而諸陵式不冠之畧言爾今陵所在曰宮山其上

有祠焉

玉手丘東南有舊冢呼為罐子山取名其形也然檢之實是官車象而左右有二三圓冢蓋所陪葬者人

或以為孝安陵非也

孝靈孝元二陵未象官車而孝安獨先得如是哉玉手一為玉田是昔時玉田宿禰邑方

反正之喪玉田宿禰職護其殯而不共淫飲於家矣已而懼罪殺朝使於路而匿於武內之瑩域武內是玉田氏之祖由

此觀之所謂罐子山蓋武內之丘墳而其孫宿禰之所匿處亦可以備考矣

乃越智西南之地自此其南可指芳野山

右二陵隸于葛上郡

後醍醐陵在芳野山藏王堂東北正統記應仁記年按今呼塔

尾陵昔時以陵前有如意輪塔名之也

右一陵隸于芳野郡

崇峻陵在倉梯岡諸陵式倉梯岡陵無陵地芳野東北多武峯其東北之麓

是為倉梯按崇峻為賊臣所虐即日葬之是不成葬也意

其陵不應比他而今檢之因其以石為玄室呼曰巖屋山一名赤坂山

名御陵山頗高壯蓋非一朝所治治壽藏當時已成俗乃若

聖德太子磯長墓蘇我蝦夷父子新漢大陵小陵是也崇

峻陵亦壽藏歟不然葬能得其速如此乎地傍蹊間甚隘不

獲為之兆域諸陵式曰無陵地其此之謂歟

右一陵隸于十市郡

舒明陵在押阪內諸陵式押阪內陵兆域按今呼壇壇山壇三

成故得斯名矣

倉梯之北為押阪又其北三輪三輪而北纏向之西是走山

邊道也

崇神陵在山邊道上諸陵式山邊道上陵兆域按今

呼為向山蓋以勾向字形近似遂謬爾陵旁澁谷村即山邊

古道而西距今道四町餘

景行陵乃其北相並

諸陵式山邊道上陵北城東西二町南北二町

按史及諸陵式

崇神 景行二陵並但書山邊道上而不言其孰南北也然

今以南者定為崇神則北是為景行可知矣且景行

御名忍代而北陵呼為忍代山即古遺言也古者尚質上下

相名而不敢諱乃若陵號或因御名不一而已

仲哀陵曰仲津山應

神陵曰響田山清寧陵曰白髮山此皆仍其御名也反

正之有井安康之保天堂仁賢之牝計山等亦因御名而訛 陵旁柳本村北隣乎釜口

右三陵隸于城上郡

光仁陵在田原之東

諸陵式田原東陵北城東西八町南北九町

田原是寧樂東南

而寧樂之南乃山邊道也

按諸陵式謂之東陵以其對西陵

也西陵是光仁帝之父施基皇子墓也

及帝之登極追稱為西陵今西田

原村有古墳呼為君之平此也 田原別為二村其東村之東有古墳呼曰王

墓此即東陵也然其就荒穢侵來葬所象以為官車不可復

見更考之今京郊諸陵惟文德獨象官車其餘蕞爾圓丘

而平地之所築無復如舊矣此自光仁既有然歟不必其

殘也

開化陵在寧樂春日鄉率川阪上

諸陵式春日率川阪上陵北城東西五段南北五段

按

今奈良念佛寺地有古墳焉此也率川其源發春日山經此南而西兆域方面纔五段昔時蓋以郊于京邑逼於市廛而

致如此之陝爾。

聖武陵在春日之北佐保山南曰南陵。

諸陵式佐保山南陵東四段西七町南北

七町按今為眉間寺地為之所殘削無完也然猶檢其跡則後

溝圓而前溝方所象官車尚有存焉無北陵何以謂之南凡

地偏處必稱以其所偏一方不必取對也。仲哀陵曰惠我長野西陵然無對

而為東是也。佐保又有西陵東陵東陵是。聖武皇后藤原氏西

陵是。文武皇后藤原氏。文武后之陵今呼為大黑柴蓋其火葬處云。后尊為大后大黑

其音訛也其邊有刻石面如狐者七枚或云狗形也非狐古時隼人職守官門為狗吠故臨大喪亦以狗形置梓官旁

聖武后之陵今喪其所

元明陵在奈保山曰東陵。

諸陵式奈保山東陵北城東西三町南北五町

元正陵並

在其西曰西陵。

諸陵式奈保山西陵北城東西三町南北五町

奈保乃佐保之西所

謂平城舊都北郊也。

按距今奈良之西十八町為法華寺村

是皇居趾也。二陵即其北今呼在東者為大奈閉在西者為

小奈閉奈閉奈保之訛也。大小以言前後之世次。

平城陵號楊梅陵。

諸陵式楊梅陵北城東西二町南北四町

當時蓋裁以楊梅而

所號歟。乃舊都少西。

按廟陵記云法華寺西南有楊梅天神

祠即其北陵此也。

元正陵西北有大冢或妄認為平城陵今檢之其形象官車而南面且環以溝

二匝蓋仁德陵以外其高莊無復如此其以為帝陵也宜矣然觀光仁及桓武仁明諸陵當時蓋皆造陵葬小

獨葬於奈良阪或此歟史及諸陵式所載古之后妃惟神

功與世不可得而識獨若奈良阪墳即以其高莊世世所目

也。史及諸陵式安取諸。蓋無他亦以其高莊。

右六陵隸于添上郡

垂仁陵在菅原伏見曰東陵。諸陵式菅原伏見東陵北二町 安康

陵乃在其西曰西陵。諸陵式菅原伏見西陵北三町 是舊都西郊。

按今伏見菅原分為二村伏見村西有古墳呼為蓬萊山因

其環溝池樹松柏俗以為仙島而所稱焉。垂仁帝之世但蓬萊守使于異域

反則帝已崩守不堪其哀乃復命陵前遂哭而死史謂其墓存也今陵北圓冢豈其此歟世妄認之為安康陵然

安康陵當在西此即垂仁陵則其西數町又有呼為西蓬

萊山今已犂為田惟其溝未埋處環殘陵若半月然蓋方其

未毀與東陵屹乎相望也西蓬萊之名於是乎得此蓋安

康陵也呼為保天堂。安康御名穴穗穗音保省穴字呼之

則保天堂即穗天皇訛也。

成務陵在狹城盾列池之後。諸陵式狹城盾列池後陵二町 是舊都

西北郊野也。**按**狹城崎也言山阜岬岬今超昇寺村西北為

山陵村實是山阜岬岬而有四池焉池皆南北縱列里老相

傳故七池其三已作田所謂盾列池即縱列池也盾縱音借

也。

東南則神功后之陵在池上。諸陵式狹城盾列池上二町 **按**

陵旁有鳥居土人歲時奉后之祀也。廟陵記引史曰承和元年以盾列山陵有

災異闕圖錄觀之北則神功后南則成務帝之陵也因疑今所指亦承和以後更復傳其誤也雖然諸陵式是延喜

中所論定豈有誤也蓋承和所闕
及是有誤而當時未深考之爾

西北則孝謙陵在高野諸陵式高野陵兆城東西五町南北三町**按**史作佐貴

高野山陵佐貴狹城也式不冠之略言爾野孝謙史稱高野天皇正統記稱

高野姬按其文則高野陵若壽陵然

右五陵隸于添上郡

孝靈陵在傍丘馬阪諸陵式傍丘馬阪上陵兆城東西五町南北五町傍丘是舊都西

南而其西並葛城山延迤乎南者里所因號傍丘馬阪其

西北而葛城之麓也按大和西偏古葛城國也後世分為二

郡曰葛上葛下葛下即傍丘西地所謂片岡莊也片岡葦田

池及片岡氏之墟並在下牧片岡即傍丘則其墟與池所在

牧地果是傍丘也馬阪今之馬瀨阪在達磨寺西獨其地西

山是麓而與傍丘隔離數町因知傍丘非西山而其名泛蒙

此間或指西山曰傍丘謬也此稽延一何爾或其改葬而然

耶然則其故陵何在也黑田考靈所都其地陵墓之類累累有在亦可備考

顯宗陵在傍丘磐杯曰南陵諸陵式傍丘磐杯丘南陵兆城東西二町南北三町磐杯

傍丘南嶋也武烈陵乃其北相並曰北陵諸陵式傍丘磐杯北陵兆城東

西二町南**按**磐杯之名久喪之今傍丘之間以磐字尋磐石

之處卒無有之更因音考索凡磐祝假音通用磐樟船之類

祝而神之也古事記石作連作石祝作連祝字是衍即石之音注混入其本文者也磐杯蓋壽

藏取其名於祝而築之今傍丘南嶋為岡莊即片岡別莊名

也。有築山村。其南為陵家村。而南北各存古墳。因以為築山。是磐杯省盤。而杯更為築也。陵家以嘗宅陵戶名之。今檢之。則北陵甚高莊。武烈之壽陵。其侈可想。而南陵乃平地之所築。頗卑小。顯宗之有天下也。躬仁儉。不亦其驗乎。史記酷吏傳。張湯調為茂陵尉。治方中。漢書音義曰。方中。陵上土。作方也。蘇林曰。天子即位。豫作陵諱之。故言方中。由是觀之。占時本朝亦嘗有然者歟。可以考備矣。○大和志。以北阪為茅停皇子墓。諸陵式。茅停皇子墓。在葦田池。是即傍丘北隅也。非也。此。

右三陵隸于葛下郡

河內山陵凡十有三所

仲哀陵在惠我長野。諸陵式。惠我長野。西陵。兆。域東西二町。南北二町。惠我長野濱石

川而南北長矣。陵居其西偏。故曰西陵。按呼為仲津山。古來

所傳仍 仲哀御名也。

允恭陵乃在其東北。曰北陵。諸陵式。惠我長野。北陵。兆。域東西三町。南北三町。按呼

為市野山。此地故是所謂餅香市邊也。餅香即 今為國府村。

或以為市邊。王押磐墓。然他無所徵。不取也。

應神陵當西陵之南。所謂惠我藻伏山陵也。諸陵式。惠我藻伏山陵。兆。域東

西五町。南五町。北五町。按呼為譽田八幡山。併用其御名。與神跡也。因廟

而祀焉。地南隣古市。故其緣記曰。葬於古市郡長野山。緣記

欽明天皇二十年二月十五日。勅。陵前立社奉祀焉。長野明是此間總名也。今西北

二陵皆繫長野。而此陵獨不言長野。南陵何也。蓋藻伏之名

自古大聞，即其地方不足詳言也。藻伏古事記作裳伏，注曰百舌鳥。百舌鳥本是和泉地名也。因疑此自彼改葬而仍其舊號，遂喪陵地之故名，故名曰蓬萊丘。見於雄畧紀，且百舌鳥八幡神祠相傳有改葬之說，如今所疑也。其八幡之山，魏然而象宮車者，蓋其故陵也。書紀不言葬，古事記云葬于裳伏山陵，而闕其年月，蓋追筆之。未詳改葬否也。古史之遺，亦從可知。

右三陵隸于志紀郡

雄畧陵在高鷲原

諸陵式高鷲原陵兆域東西三町南北三町

是長野之西。按鳴原

村有古墳，其形圓而環以溝，此也。呼為丸山，以今所觀也。然

從遠眺之，其地勢隆然，所謂宮車象，可以想見矣。未耜殘餘，纔覩其圓，悲夫。高鷲之名久喪之，但陵南有僧寺，取以為寺地，山號。

其南壇生阪

壇生今訛為羽或

仁賢陵在壇生阪本

諸陵式壇生阪本陵兆域東西二町南北二町

按今呼牡計山，其

御名所訛，御名於計也。

右二陵隸于丹比郡。今分為南北二郡，高鷲丹

其南阪門也。

壇生阪門也和名抄鄉名尺度尺度即阪門今有阪田村蓋其訛也又有阪門池

清寧陵在阪門原

諸陵式阪門原陵兆域東西二町南北二町

按呼為白髮山，仍其

御名也。其地西浦村。

而其東古市即惠我長野之南

安閑陵在古市高屋丘

諸陵式高屋丘陵兆域東西一町南北一町

按明應亂畠山

尚慶城據焉故今呼高屋城墟諸陵式安閑春日皇后高

屋墓兆域東西二町與山陵自別兆域史謂之合葬以地相隣

謬之爾今祀八幡之神此也

右二陵隸于古市郡

古市之東南磯長

敏達陵在磯長曰中尾陵

諸陵式磯長中尾陵兆域東西三町南北三町

按葉室村西

有古墳此也其形象宮車據史初殯于廣瀨廣瀨郡有仁基山酸山皆帝陵

形也疑其一敏達初葬之陵而史誤以初葬為殯亦不可知也崇峻之四年祈其

妃廣姬磯長陵

廣姬以敏達之四年薨

因知帝王后妃陵制故皆同

用明陵在其東北曰原陵

諸陵式磯長原陵兆域東西二町南北三町

按春日村

古冢此也古事記以此謂中陵蓋西南則中尾東南則山田

東北則大阪磯長西北則聖德太子墓屹乎相望也

推古陵在其東南曰山田陵

諸陵式磯長山田陵兆域東西二町南北二町

按山田

村古冢此也古事記以此謂科長大陵以殊高莊也科長即磯長

孝德陵在其北曰大阪磯長陵

諸陵式大阪磯長陵兆域東西五町南北五町

按大阪

磯長地相接而陵介其際故取名於兩地山田村古冢稱

北山者此也大阪是葛城山自河內踰大和處

右四陵隸于石川郡

後村上陵在檜尾山觀心寺地鳩嶺雜事記檜尾磯長之南也

按寺後山中有圓墳廣可二丈寺僧歲時奉祀焉

右一陵隸于錦部郡

和泉山陵凡三所

仁德陵在百舌鳥耳原曰中陵諸陵式百舌鳥耳原中陵**按**

仁德帝六十七年冬十月幸河內石津原卜陵地方其營陵時有奔鹿入役所而斃乃異之而探其瘡痕則有百舌鳥從耳中出去耳已為之咋傷因命其地曰百舌鳥耳原遂又為陵號蓋壽藏自此始矣凡營陵因山然其高莊巍巍可仰未有如此其大也 帝之理天下以仁儉而其自營壽藏獨何

以侈也蓋山陵所以奉祖宗之祀致仁孝之誠而聖人建制垂訓不以天下儉其親乃以厚待其子孫不敢自薄於其葬至於今土人仰之號曰大山陵後世國恤率火其葬或以塔擬山陵僧司喪祭雖曰居儉禮由此也夫喪祭禮之大經也仰大山陵而謂之侈者愛羊之類也不足與議禮意也天平寶字二年割河內置和泉國百舌鳥隸焉古事記百舌鳥作毛受毛受村石津村隣也

履中陵在西南曰南陵諸陵式百舌鳥耳原南陵**按**呼為美贊佐伊在石津村北

反正陵在西北曰北陵諸陵式百舌鳥耳原北陵**按**今呼其

溝曰盾井之池盾井丹治比之訛仍其御名也在和泉界
邑東郊河內藤井寺西南古墳象官車土人傳是反正陵
在於彼而史謂之夫反正以九恭之六年葬於耳原也則初葬或
殯蓋其所謬矣

右三陵隸于大鳥郡

攝津丹波阿波淡路讚岐隱岐佐渡凡七國山陵各一所

繼體陵在攝津三嶋藍野諸陵式三島藍野陵北按大田村古

冢此也呼為茶白山以其頂有凹處名之也然而象宮車環
之以溝依舊焉三嶋今割為上下二郡曰上島曰下島

光嚴陵在丹波桑田郡之山國太平記初居伏見光明院以其

按山國村有常勝寺即其火葬處今塔廟存焉

土御門陵在阿波板野郡之里浦紹運錄東鑑增錄要記保曆

遷于土佐尋遷于阿波寬喜三年十月十一日崩于阿波
然皆不載其葬於里浦畧之也明月記天福元年十一月
母后承明門院為帝營金原御堂移藏御骨焉故增鏡寬
元元年十月脩十三忌之法會於金原吉續記文永七年七
月遣山陵使於金原金原蓋按板野綠海洲嶼之間今稱無
乙訓郡西郊所謂御堂今亡

養莊里浦是洲中一村落有石塔土人莫知誰墓也但歲十
月十一日父老齋於其前以通夜焉古來以然矣十月十一
日即是土御門之御忌蓋方其喪也民之悲哀何如哉至
於今尚猶置齋奉祀不失其遺跡此僅可徵已

廢帝陵在淡路三原郡諸陵式淡路陵北城按和名鈔三原是

國府所在廢帝以孝謙之雄猜降封淡路公而幽于其

府既而公不堪憤踰垣而逃國守佐伯助掾高野並不等率兵邀之公還厥翌暴崩則其葬當去府不遠府趾今距洲本之治西南可三里曰市村其中稱國司館趾此也乃其西可三町有古墳在焉其方二十步森如也廢帝陵即此而其祠曰野田宮在旁焉

崇德陵在讚岐阿野郡之白峯寺

白峯寺緣起紹運錄

按白峯寺緣起山

陵所在是其寺西北隅云其寺西北隅今檢之孤墳據岩壁之上封土高八尺石牆以環之其前有廟安帝遺像以奉祀焉又左有母后廟待賢門院藤原氏右有山神廟讚岐守源公世能致堂宇之脩巖然可畏敬他陵在阿波及薩摩封內鳴並欲其國君亦能放焉

乎亦異哉僻陬有陵寢其生也嘗有幽辱茲土而死也長見靈威祭則授福比之他就荒穢可謂幸矣

後鳥羽陵在隱岐海部郡之荊田山

百練鈔增鏡東鑑要記○增鏡云北面藤原能茂收

遺骨歸京藏於大原西林院仁治二年二月造法華堂于大原遷置焉藏於西林以下要記亦同之**按**荊田今

勝田山是也勝田山源福寺有塔廟即其火葬處

順德陵在佐渡雜大郡之真野山

後中記平戶記正統記增鏡紹運錄要記百練鈔並云

帝崩於佐渡百練鈔紹運錄要記又載收遺骨遷于大原法華堂然皆闕葬地**按**諸書並皆闕葬地以其收骨歸京也雖然真野山至於今奉陵寢之祀不敢弛廢云若讚岐隱岐阿波諸陵亦皆為其國人畏敬則逸鄙惇朴之風此大可愛矣

卷之一終

關東後學

蒲生秀實

稿

山陵志

九志之二

京郊山陵除泉涌其餘凡三十有八所。按京師號平安其

四郊是山城之郡鄉蓋自桓武之奠都于平安而累

聖山陵以香刹名藍布列於郊其麗曷嘗數十而已哉

然喪亂之後已嘗毀兵火侵耒耜而殘暴荒穢其跡幾

盡至於今所完以存蓋無幾焉且其地名亦變所在不

諦曠野之間不可指定自史官之廢其所參考諸書率

皆是家乘私記其說紛紜而難適從將何以徵惟妙法

王家所藏西京古圖推步其地頗有可證足以為左券

矣而至其所難悉乃俟有識

中宗曰 天智。天智陵在山科鄉。是為山科陵。諸陵式山科陵北城東西

十四町南背鏡山面京路。萬葉集額田王去山科陵時所賦歌中有鏡山之語按鏡山

前是陵地。而其右旁有小祠。有鳥居焉。土人歲時奉祀。幸無

所荒穢。雖世有污隆。道有盛衰。天之顧於有道。特如是然。陵

之四野。雖御廟野。廟之與陵。俗言互通。又東南有村落。曰陵

村。乃隣大津。大津是。中宗所都也。廟陵記云山科陵石棺

檢之不然其陵狀圓者此用明以米制也然則其內應有

玄室其制嚴密苟陵不殘毀則石棺之蓋不得外出於陵尚

無所殘毀則棺獨何以暴哉陵前有方石其上平而廣長若

于尺呼為履石蓋奉幣使宣命之處也人或云此石嘗在於

外後移致於此以復其初京之東郊曰粟田鄉。此古鄉名也中世其稱更為白河因水

嚮以為石棺蓋謬認指此其繼之而東。即山科鄉。而京路之南。岐走

淨土村北有白河。其繼之而東。即山科鄉。而京路之南。岐走

伏見。由醍醐。醍醐陵在醍醐寺北。笠取山西。畧記貞信公

記云四面八十町。穴深五尺。方三尺。按倉高四尺三寸。縱橫

各一丈。校倉蓋其壙中所藏。而安梓宮者。四面八十町。是擬

為兆域。則似甚廣。恐乃八町。而行十字也。故小野寺地也。

著聞集李部王記並稱醍醐寺北山陵。故小野寺地也。畧

○江次第以陵所為醍醐寺地。曼陀羅寺丑寅山。櫻記新

所曰曼陀羅寺也。更據真言傳仁海僧正建曼陀羅寺。于小

野併觀之。所謂小野寺。即曼陀羅寺是也。以山陵是為後山

在其寺中。故要記永正年代記並稱小野帝也。是為後山

科陵。拾芥抄按今陵地平坦。草莽穢蕪。然而從檢之。固非墾

傷。而然也。蓋嘗塔其上。而塔為兵亂之間所除去歟。朱雀

陵亦然。李部王記云山作使立卒都波三基于陵地。知是卒都波以擬山陵而其理之不必高封。

朱雀陵乃其少南。畧記要記帝王系圖大鏡裏書並云安遺

畧記為愛岩山大鏡一說為鳥部野編年記一說為法性寺東中尾南原今從帝王系圖大鏡裏書要記以火葬于米定寺為得而醍醐寺東李部王記按距醍醐陵南可三町在家人屋後地名陵町也

右三陵隸于宇治郡

桓武陵在柏原

諸陵式柏原陵北城東八町西三町南五町北六町加丑寅角二岑一谷

醍醐而南

也其地乃通深州山為伏見

按柏原名久廢其地難認廟陵

記引山槐記指南云稻荷山南則極樂寺趾今是為寶塔寺其南則霞谷是仁明帝陵所也又其南伏見之山有柏原焉是桓武帝陵所也據式條北城及山槐記所載閱當時地圖即今之伏見城山古御香大龜谷等地總是皆柏原則

陵之所在想當在城之中央蓋築城時為所毀壞又按仁部記文永十一年以盜發柏原山陵諸陵寮上言其狀曰御所之巔東西一丈三尺南北一丈六尺發掘上似塞以石又云件陵登十丈壇圍八十餘丈明是全體必不卑小而今問其所終于難認則云壞於築城果然也廟陵記今呼曰金冢噫松山恐其所葬處其城亦已墟乘海之感又奚耐焉

仁明陵在深州山是為深州陵

諸陵式深州陵北城東西一町五段南五段北二町醍醐

而西柏原而北故嘉祥寺地也

中右記號霞谷古今集文屋

思日歌中有州深霞谷之語按嘉祥寺趾即今谷口村也霞谷之谷省

語也據古圖山陵果在焉其西有貞觀寺趾貞觀八年改定

深州陵四至云西至貞觀寺東垣北至谷此二方足以取證

近世安人榜於此陵側曰桓武天皇御陵甚哉欺物也

乃其西有法華堂以堂擬陵也是為後深州陵康富記伏見中陰記

伏見後伏見同衞焉伏見據中陰記皇年代畧記並云火葬深州中陰記又云衞遺骨於

後深州帝之法華堂後伏見據皇年代畧記並云火葬嵯峨野安遺骨於深州法華堂按深州安

樂行院中庭有小堂傳云是法華堂趾以其內安先帝遺

骨稱為御骨堂據古圖後深州伏見後伏見後柏

原後奈良同衞焉名五帝之陵更據泉涌寺說後柏原

後奈良後遷之於泉涌寺云故除之

自此其西為京之南郊曰鳥羽

鳥羽鄉有塔三基以擬陵白河陵其西塔也故成菩提院地

編年集成火葬香隆寺西邊中右記以此為衣笠山東麓而云安遺骨於香隆寺夫衣笠東麓即香隆寺西邊也二書互

言舉其一百鍊鈔天承元年遷於鳥羽三重塔乃謂成菩提院也故吉記壽永二年所遣山陵使其於成菩提院則注曰

白河院是也皇年畧記葬神樂岡不取也成菩提院三重塔是據百鍊抄蓋天仁二年所建時未言其級層也更考長秋

記及中右記要記皇記天永二年及三年相尋建塔於鳥羽皆稱曰多寶塔則天仁所建明是三重塔而成菩提院也

按地今已開墾尚謂其田曰成菩提院其中有圓丘蓋塔之

基也里老相傳以為近衛陵誤也

鳥羽陵其中塔也愚管抄百鍊鈔要記皇記編年紀皇代記並云葬安樂壽院塔單言塔者其畧之也

帝王系圖稱言近衛陵其東塔也要記皇記編年紀並云火葬船岡之西權安遺

骨於知足院常行堂百鍊鈔長寬元年並是安樂壽院地安遷鳥羽之東殿美福門院之塔此也

壽院其僧相傳保
延三年所創也
按山槐記
鳥羽皇嘗創二塔於鳥羽之

東殿以其一令藏御骨一充之女院女院謂美福門院也

安樂壽院相傳以中塔成於保延五年謂之本御塔東塔成

於保元二年謂之新御塔所謂本御塔是鳥羽皇所最尊

焉故其落成也詔禪衆謂遷化之夕可托遺身於塔下

今尚藏此其明證也
紹運錄葬新御塔來由記葬安樂壽院地就其上建五級寶塔莊飾巖麗准本

御塔其內安彌陀像稱新御塔此皆妄說也今不取今就其趾構堂焉
相傳此塔以大火兵火毀

謂新御塔是美福門院遺令使別葬已於紀之荒河高野

山
高野平野村有一丘上建五輪塔其高可則其內空虛是三尺銘曰奉為美福門院御菩提此也

以近衛遺骨藏焉爾

然右六陵隸于紀伊郡

淳和陵在西岡鄉物集村
史葬於物集村粉碎御骨散於大原野西山嶺上皇年代私記亦云散御

骨於大原野
按諸陵式
淳和陵不載以遺詔壅粉其骨而颺之

野也物集村有圓墳焉曰車冢里老相傳淳和帝靈車火

於此猶可擬山陵盖帝王薄葬以嗟峨為始
嗟峨帝遺詔曰夫存亡

天地之定數物化之自然也欲朝死夕葬宜作棺不厚覆之以席約以黑葛擇山北幽僻不毛地其葬限不過三日夜刻

行葬地從者然至于淳和其所為亦已甚矣當時中納言

藤原吉野諫曰不起山陵古無有之山陵猶宗廟也苟無有

之臣子何仰弗聽遂致其葬若是其慘也夫嗟峨淳和

兩帝中古明主也其遺風後王則焉而獨於薄葬者誠為

可憾

仁明帝遺詔以布帛代綾羅停鼓吹方相而變其前例

惟有方相而已清和宇多亦遺詔依例以火其葬不起

山陵令百官及諸國不舉哀停素服而其傳謚亦從

多始故醍醐帝遺所謂荷前亦廢而不舉惜哉

國忌雖在追遠反苦有司歲終荷前煩而無益並停之

祭禮之大經也是而崩壞宜國亦從衰也吉野中納言言不

納千載遺憾

西園鳥羽之西也其北田邑鄉為京之西郊

文德陵在田邑鄉真原諸陵式田邑北城按真原今名廣野

其陵狀前方而後圓以象宮車環之以溝京郊山陵此特為

然其廣狹纔不過十餘步視之大和河內諸陵可謂兒孫

已實錄八月乙卯崩以九月甲子葬之其間僅十六日且平

地之所築不因以山宜其不如古也

光孝陵在其北鄉立屋里小松原是為後田邑陵諸陵式後

田邑鄉立屋里小松原四至西至芸原岳岑南限大道東限

清水寺東北限大岑畧記皇年代私記或作小松山陵因稱

小松仁和寺西南地也江次第作仁和寺西大教院良拾芥

今亡所謂立屋芸原諸名亦皆失之清水寺趾不知其處也

幸獨仁和寺所在與古不異據古圖芸原岳岑是小松峯大

岑即宇多山大道當三按今仁和寺西南有古墳在焉里老

條路諸陵式所載頗合

相傳以為光孝陵據古圖果然

北為宇多野京之東北郊也

宇多陵在宇多之大內山皇年代私記畧記大鏡裏書並云仁

和寺西北隊也。古圖按依遺詔不置山陵然已云火葬則其火

葬處猶足擬山陵大內山是其火葬處帝王系圖云在仁和

寺西據古圖即仁和寺西北丘頂果有宇多陵今呼為九

山因形而命之此也御室相承記寬平法皇陵在神倉上

今丸山而東北谿間有方地圍之以小溝其廣長東西四步

南北七步此蓋神倉趾亦可以備一證矣。編年集成宇多

池尾之山池尾山是山北幽澗邊也與諸書不合又丸山而

東北之丘有大石或謬為宇多陵名勝志引三僧記曰是

一條左大臣雅信墓據古圖果然

後朱雀陵古圖此間有後冷泉陵乃列其側焉。後朱雀

鍊鈔皇代記並火葬香隆寺藏遺骨於圓教寺後冷泉據

畧記百鍊鈔皇年代畧記並云火葬船岡西野藏遺骨於圓

教寺圓教寺今亡按二陵是圓教寺安遺骨處也據古圖圓教寺在

仁和寺東隅而二陵乃列於宇多陵側不知或嘗改葬于

此歟抑圓教寺安遺骨處固離在焉也

其西隔一溪鳴瀧川曰中尾村村之北丘隴迤邐乃其上方是

北中尾村

村上陵在北中尾村。紀畧葬田邑鄉北中尾一云宇多鄉北中

稱曰宇多鄉長明發心集云仁和寺之奧有僧二人一稱西尾

聖一稱東尾聖聖者法師尊稱也因其所居也據古圖村上陵在

東尾西尾之北當其兩間也謂之北中尾不亦宜乎今之五

智山即其地呼為御廟山。山槐記村上陵在仁和寺長尾

花云岩陰松崎奧也。天曆廟以廟稱陵所在當

時蓋其地有天曆廟以廟稱陵也圓融陵乃列於其側是為後村上陵代私畧記並云火葬圓融

寺北安遺骨於村上陵側左經記寬仁元年遣使於四陵其一為後村上陵注曰圓融院是也一條陵

堀河陵又次焉坂野一條據紀畧大鏡裏書並云火葬北山長

記作岩陰即其同地也紀畧小右記左經記大鏡裏書並云

避方忌權安圓成寺左經記又云寬仁四年遷於圓融寺邊

堀河據要記皇記編年記皇代記皇年代畧記並云火葬

香隆寺坤原安遺骨於香隆寺長秋記百鍊鈔並云永久元

年遷於仁和寺圓融院皇按一條陵左經記以為圓融寺

邊堀河陵長秋記百鍊鈔以為圓融院據古圖二陵皆列

於村上陵側而圓融獨否別在圓融寺圓融寺是仁和寺

東南衣笠之麓也蓋其中有廟遂謬為陵故村上陵側不

得重圖然葬已云村上陵側又稱後村上陵則其次當列

一條堀河然則云圓融寺邊或云圓融院並當改作圓融

陵測恐是傳者之疎也

又其西愛宕之山其麓曰嵯峨

嵯峨陵在嵯峨大覺寺北皇年代私記葬嵯峨院北之山麓山

山陵使翌日山陵使左大辨經房造于攝政府曰至嵯峨莫

能得陵所問之里老則曰大覺寺北方山大覺寺舊是嵯峨

離官按遺詔云擇山北幽辟之地以三日葬之不封不樹長

絕祭祀諸陵式由此無載然今大覺寺北山麓幽辟之間有

一丘呼為御貌山此蓋山陵也陵或稱廟廟之言貌也其音

近聖德太子磯長墓土人稱御貌山以訛徵訛古蹟可考

自茲循山而東北。後宇多陵所在。故蓮華峯寺地也。皇年代私

記葬蓮華峯寺傍山按寺之殿堂蓋自應仁亂已焦土里老猶識陵所

曰大覺寺東北山麓呼為八角堂此也。舊是八角堂而金玉其飾。今者纔板屋庇焉。

大覺寺之南其為龜山。龜山陵所在。故淨金剛院法華堂

地也。增鏡火葬龜山殿上山建法華堂而安骨焉。文應帝外記分遺骨藏於淨金剛院法華堂及南禪寺金剛峯

寺也。後嵯峨蓋同附焉。增鏡葬於藥州院藥州院是龜山殿別院蓋其火葬者帝王物語皇年畧

記並云藏遺骨於淨金剛院吉續記文永十年遷于法華堂法華堂不書地蓋以其在淨金剛院內也然增鏡謂龜山

帝之葬而建法華堂則似非與文永之法華堂是同或以其脩復謬為建之故一院中理不容有二法華堂焉故知是同

附。按龜山天龍寺是龜山殿趾相傳以其後林數畝之間為

窀穸所蓋法華堂趾。

登愛宕其途有僧院號福田院。後龜山陵所在。按陵上安

塔院僧奉祀古來所傳是已無復他證。

清和陵在愛宕西南水尾山。實錄火葬栗田山安遺骨於水尾山因稱水尾帝按水尾

山本丹波國地今隸于山城葛野此山村極陋有寺號圓覺。圓覺寺者舊是京東粟田道場也。清和帝自遜大位乃御

清和院遂遷御山莊落飾入道山莊即圓覺寺也。後歷覽名

山佛權乃卜水尾之山為終焉之地既而歸京崩於圓覺寺

故取其寺號以奉祀焉。有遺詔不置山陵諸陵式由此無載

然水尾山安遺骨處里老相傳以指圓覺西北山隅為陵所

其間隔一溪此也

後三條陵在仁和寺之南故圓宗寺地

畧記百鍊鈔編年記要記皇年代畧記並云火

葬神樂岡南原藏遺骨於禪林寺然而其後當遷于圓宗寺吉續記文永十年遣山陵使於圓宗寺則圓宗是為陵所無疑元享釋書延久二年圓宗寺成乃在仁和寺之南莊麗冠都下

宗寺趾後三條塔廟存焉

仁和寺東丘曰衣笠之丘之東故香隆寺地二條陵所

在編年集成火葬香隆寺民野百鍊鈔喜應二年自香隆寺木堂遷于三昧堂三昧堂不書地蓋以其在寺內也

香隆寺趾今小松村此也據古圖二條及其后妃高松院陵並在焉今已

其東北山岨曰鏡石以其光可鑑名焉隔一川紙屋而東厓

斗絕其與乎鏡石相映處曰石影遂稱其左右曰石影長阪

野此奔丹波路所謂北山長阪亦此也故一條火葬紀畧大鏡裏書並云於北山長阪而榮華物語作石蔭小右記作岩陰長阪野但岩陰石蔭用字不一是以易惑且因字尋地近就鏡石之傍過也故今定為石影取名義於其相映處也

華山陵在石影

道長記葬大和寺東邊紀畧葬紙屋川上法音寺北據古圖法音寺之北紙屋川之上即大和

寺東邊也法音寺大和寺今亡三條陵乃列其側焉紀畧大鏡裏書榮華

編年集成葬於丹岡西邊舟岡西邊即石影皇代記編年記並云藏遺骨於北山小寺北山是為此間總名則所謂小寺亦或在石按二陵並皆壞難得其所據古圖推問其地里人

云百年前有一農呼甚兵衛者開墾之地號甚兵衛開今其樹梅圃相傳以為御墓所疑是陵地矣

後華園陵在京北之正親町小川西岸也故悲田院地山霞火

院當時以泉涌寺方遇兵火而不能葬也悲田院今遷在泉涌寺地親長記文明三年詣大原御墓注曰法華堂前是後華園御墓觀於是則嘗致遺骨於彼也其塔廟今存
按故悲田院趾今為大應寺陵是圓冢在寺東林

右二十陵隸于葛野郡

陽成陵在粟田鄉神樂丘東北紀畧後一條陵乃其西而地

傍丘號櫻下故菩提樹院地皇年代私記火葬神樂丘紀畧

即神樂丘東也二書並云藏遺骨於淨土寺今鏡安聖密於菩提樹院百鍊鈔長久元年自淨土寺遷遺骨於菩提樹院

注曰後一條御墓地號櫻下也菩提樹院據紀畧拾芥抄是神樂丘東地古圖作菩薩壽院是謬也
冷泉

陵又其西北也紀畧大鏡裏書並云火葬櫻木寺前野要記

遺骨於山側後二條陵又其西而左丘隅面吉田右日輪川矣

要記皇代記並云葬北白河殿北白河
按今真如堂前有佛

院自此傍丘而西北當是櫻本地然失櫻本之名已久故

陽成後一條亦喪所在自吉田東踰神樂丘未盡顧其北林有圓冢此有嫌於山陵據古圖

是在原業平墓也曉筆記業平以元慶四年卒而葬東山吉田之與而廟焉此即其廟之趾
冷泉陵是

丘北之畝呼冢圓處此也既被墾傷惟二條陵獨見存焉

呼福冢

神樂丘而東如意岳之西今其間而有山焉曰中山乃其南

黑谷是故十樂院地也華園陵所在園大曆葬十樂院之

院在黑谷古圖亦然
按陵今失其所古圖闕之華園妙心寺有廟曰五

鳳院妙心寺僧云其側即安遺骨處

粟田而南鳥部鄉

高倉陵在鳥部鄉東山清閑寺地

百鍊鈔編年記皇年記平家物語盛衰記

六條

陵乃其南嶮也

明月記清閑寺小堂即六條御墓是也要記葬栖霞寺不取也

按清閑寺

相傳高倉陵是堂北丘墳植楓處六條陵乃堂之西園

怪石所伏俗謂此怪石曰要石要取其名摺扇軸處也處此

觀京地其形勢宛然若開扇然而自顧即扇骨所輻委可以

喻矣

後白河陵在蓮華王院法華堂

玉海百鍊鈔編年記盛衰記紹運錄○蓮華王院舊是法住寺

地法住寺為木曾義仲所火就其墟而所創也故康富記謂此陵在法住寺

按今三十三間堂故

蓮華王院地法華堂乃在其東以內安聖容呼為御影堂其

右側相傳火葬處

後堀河陵在今熊野觀音寺地

要記編年記百鍊鈔編年集成並云葬觀音寺是也皇年代私

記云葬日輪殿地不取也

按泉涌寺來迎院北觀音寺東丘是陵所據古

圖當矣

法華堂自清閑而東南也觀音寺自法華堂而東南入山陂

也今熊野而南乃謂之我禪房谷是泉涌寺地

右九陵及泉涌寺隸于愛宕郡

四條陵在泉涌寺地

自此以下不敢引證

泉涌寺齊衡三年左大臣藤原

緒嗣所創始號之曰法輪厥後更之曰仙遊建保六年大和

守中原信房。以法師俊祐居焉。祐又更之曰泉涌。當時以堂
宇荒穢。祐上疏以請理之。元曆上皇爲之降施甚渥。貞應
三年秋七月。勅中納言藤原通方。昇以爲官寺也。元享自
釋書
四條帝之葬也。而經十三世。至後光嚴。又以爲陵所。而後
後圓融。後小松。稱光。後土御門。後奈良。正親町。
相尋乃爾。後陽成以降。世世併與其。后妃皇太子之喪。
蓋亦皆例以葬焉。官家固已存圖錄。是以今不須考正。而
所考正。皆在乎遠陵矣。欲不徒豐昵。而孝祀。百千。祈天永
命焉。

